

22 MARTIE

**ACATISTUL
SF. IERARH-
MUCENIC
VASILE
ZELEŢOV,
EPISCOPUL
PRILUKULUI**

ACATISTIER-RU



АКАФИСТ СВЯЩЕННОМУЧЕНИКУ ВАСИЛИЮ, ЕПИСКОПУ ПРИЛУКСКОМУ

Кондак 1

Изра́нный от святи́телей Полта́вских,
прему́дрый архиере́е Бо́жий Васи́лие!
Раско́ла церко́вного искорени́тель и пра́вды
побо́рник яви́лся еси́, да́же до сме́рти
му́ченической И́стину Христо́ву пропове́дая,
поноше́ние нивочто́ же вмени́л еси́, те́мже
стяжа́вый Сла́вы вене́ц, похва́льная ны́не
слы́шиши от все́х пе́сенное приноше́ние:

**Ра́дуйся, Полта́вская небоявле́нная
звздо́, святи́телю Христо́в и му́чениче
Васи́лие!**

Икос 1

А́нгелов собесе́дниче и Арха́нгелов
сомоли́твениче, премудре Васи́лие, ны́не
предстоя́ Престо́лу Бо́жию, непреста́нно
моли́ Нача́льника жи́зни, Ему́ же ве́рно
послужи́л еси́ на земли́, ре́вною, а ки
мече́м о́гненным, Сло́вом Ева́нгельским
посека́я раско́лы и заблужде́ния
челове́честии, да изба́вит от вся́кия

диа́ вольския пре́ лести лю́ ди Своя́ ,
призыва́ ющи ты хода́ таем бы́ ти и
вопию́ щия ти тако́ ва я:

Ра́ дуйся, блиста́ ние Боже́ ственнаго све́ та;
ра́ дуйся, сия́ ние Небе́ сныя благода́ ти.

Ра́ дуйся, земли́ Ряза́ нския прозябе́ ние;
Ра́ дуйся, земли́ Полта́ вския украше́ ние.

Ра́ дуйся, архиере́ ев Богому́ дрых удобре́ ние;
ра́ дуйся, жи́ зни во Христе́ науче́ ние.

Ра́ дуйся, поноше́ ние нивочто́ же вмени́ вый;
ра́ дуйся, жи́ знь за И́ стину положи́ вый.

**Ра́ дуйся, Полта́ вская небоявле́ нная
звздо́ , святи́ телю Христо́ в и му́ чениче
Васи́ лие!**

Кондак 2

Ви́ дяще всеблагі́ й Госпо́ дь ре́ вностное
служи́ ние во иере́ ях роди́ теля твоего́ Иоа́ нна
и ма́ тернее благоче́ стие, дарова́ тя ро́ ду
твоему́ , пресла́ вне Васи́ лие, я́ ко сосу́ д
избра́ нный, благода́ ти испо́ лненный, да
просла́ виши Бо́ га, подаю́ щего ми́ лость
Свою́ на Него́ упова́ ющим и взыва́ ющим
Ему́ из ро́ да в ро́ д: **Аллилу́ иа.**

Икос 2

Ра́зум Боже́ственный восприя́л еси́
измла́да, навыка́я в моли́твенном
предстоя́нии Бо́гови, во святы́х Свои́х
прославля́емому, исти́нное жела́ние име́я
подража́ти роди́телю твоему́, ре́вностно
угото́вал еси́ себе́ к служе́нию па́стырскому.
Мы же, дивя́щися таково́му благоизволе́нию
Бо́жию о тебе́, воспева́ем ти си́це:

Ра́дуйся, благочести́вых роди́телей
пресла́вное порожде́ние;

ра́дуйся, пло́де благи́й богодухове́ннаго тех
воспита́ния.

Ра́дуйся, от ю́ности Христу́ служи́ти
возжела́вый;

ра́дуйся, нелицеме́рную по Бо́зе ре́вность
показа́вый.

Ра́дуйся, еще́ в младе́нчестве страх
Госпо́день стяжа́вый;

ра́дуйся, еще́ о́трок сы́й Це́рковь Бо́жию
возлюби́вый.

Ра́дуйся, ду́ши ве́рных просвеща́яй;

ра́дуйся, сердца́ и щущих пра́вды Бо́жией
озаря́яй.

**Ра́ дуйся, Полта́ вская небоявле́ нная
звездó , свети́ телю Христо́ в и му́ чениче
Васи́ лие!**

Кондак 3

Си́ лою Вы́ шнего укрепля́ ем быв, блаже́ нне
Васи́ лие, в позна́ нии Свяще́ ннаго Писа́ ния и
уче́ ний отце́ в богому́ дрых, в прему́ дрости
возраста́ я и укрепля́ яся, восприя́ л еси
благода́ ть Пресвята́ го Ду́ ха, не престава́ л
воспева́ ти Го́ сподеви: **Аллилу́ иа.**

Икос 3

Иму́ ще о́ бразом благоче́ стия и му́ дрости
Це́ ркви Правосла́ вныя наста́ вников твои́ х,
о́ тче Васи́ лие, преуспева́ л еси́ в
подража́ нии отце́ м Ла́ вры свята́ го Се́ ргия, в
не́ йже, я́ ко учени́ к преподо́ бнаго пребыва́ я,
к про́ поведи Ева́ нгельской на́ вык обре́ л еси́ ,
слы́ шаще от всех такова́ я:

Ра́ дуйся, к науче́ нию Боже́ ственных
Писа́ ний прилежа́ вый;

ра́ дуйся, чрез сие́ благода́ ть Свята́ го Ду́ ха
стяжа́ вый.

Ра́ дуйся, оте́ ческих уста́ вов исполни́ телю
смире́ нный;

ра́ дуйся, во смире́ нии твое́ м Бо́ гом
превознесе́ нный.

Ра́ дуйся, словеса́ му́ дрости на скрижа́ лех
се́ рдца твоего́ высека́ вый;

ра́ дуйся, в благоче́ стии и́ нокам Ла́ вры
Се́ ргиевой подража́ вый.

Ра́ дуйся, красото́ Це́ ркви изря́ дная;
ра́ дуйся, утвержде́ ние Правосла́ вия кре́ пкое.

**Ра́ дуйся, Полта́ вская небоявле́ нная
звздо́ , свети́ телю Христо́ в и му́ чениче
Васи́ лие!**

Кондак 4

Бу́ ри жите́ йския нивчто́ же вмени́ л еси́ ,
пресла́ вне Васи́ лие, в послуша́ нии Це́ ркви
Бо́ жией пребыва́ я, в зе́ млю Сиби́ рскую
стопы́ своя́ напра́ вив, учи́ тельствуя во
гра́ де Красноя́ рске, в прему́ дрости млады́ я
наставля́ л еси́ , да подража́ я ре́ вности
твое́ й, Бо́ гу пою́ т: **Аллилу́ иа.**

Икос 4

Слы́ шаша Христолюби́ вый епи́ скоп Ага́ пит
ре́ вностное твое́ по Бо́ же служе́ ние, призва́
тя на ни́ ву про́ поведи́ Ева́ нгельской, во
утвержде́ ние в земли́ Екатериносла́ встей

свята́ го Правосла́вия, да насы́ тиши а́ лчущих
хле́ ба духо́ внаго. Те́ мже, я́ ко Сло́ ва Бо́ жия
пропове́ дника, велича́ ем тя си́ це:

Ра́ дуйся, благоутро́ бия Христо́ ва
подража́ телю;

ра́ дуйся, Свята́ го Ева́ нгелия возвести́ телю.

Ра́ дуйся, Сло́ ва Бо́ жия богому́ дрый
истолкова́ телю;

ра́ дуйся, и словесы́ , и де́ лы свои́ ми
благоче́ стия учи́ телю.

Ра́ дуйся, преда́ ний оте́ ческих ревни́ телю;
ра́ дуйся, правове́ рия насади́ телю.

Ра́ дуйся, ве́ рный ко спасе́ нию путеводи́ телю;
ра́ дуйся, заблу́ ждших неуста́ нный
вразуми́ телю.

**Ра́ дуйся, Полта́ вская небоявле́ нная
звздо́ , свети́ телю Христо́ в и му́ чениче
Васи́ лие!**

Кондак 5

Боготе́ чная звезда́ яви́ ся Оте́ честву
на́ шему, боголюби́ ве Васи́ лие, егда́ и во
времена́ сму́ тныя непреста́ нно труди́ лся
еси́ , испове́ данием твои́ м утвержда́ я ве́ ру
и́ стинную, мно́ гия соедини́ в во еди́ ное

ста́ до Христа́ Бо́га на́шего, науча́я пе́ти
Ему́ : **Аллилу́на.**

Икос 5

Ви́деша по́двиги твоя́ , лю́ди избра́ша тя на
Собо́р церко́вный, я́ко в Бо́зе умудре́ннаго,
да просла́вится Бог в сове́те святы́х. Ты же
та́мо мно́гими словесы́ увеща́л еси́ храни́ти
Це́рковь Христо́ву непреобори́му от
безбо́жников и отсту́пников, еще́ же и
моли́твы возноси́ти о Ца́рственных
страстоте́рпцех по убие́нии о́ных. Мы же,
дивя́щися де́йствию Ду́ха Свята́го,
сотво́ршаго тогда́ вся́кое бла́го о Це́ркви
на́шей и святи́теля Ти́хона на све́щнице
Патриа́ршего служе́ния возста́вившаго,
воспева́ем ти та́ко:

Ра́дуйся, му́дрых ве́ка сего́ прему́дрейший;
ра́дуйся, ра́бе Христо́в добре́йший.

Ра́дуйся, тала́нт сво́й в зе́млю не сокры́вый;
ра́дуйся, к сла́ве Бо́жией сей употреби́вый.

Ра́дуйся, и́стинным све́том просвети́телю;
ра́дуйся, Со́лнца пра́вды служи́телю.

Ра́дуйся, о сла́ве Ца́рственных
страстоте́рпцев поревнова́вый;

ра́дуйся, я́коже о́ныя вене́ц му́ченический
прия́вый.

**Ра́ дуйся, Полта́ вская небоявле́ нная
звздо́ , свети́ телю Христо́ в и му́ чениче
Васи́ лие!**

Кондак 6

Пропове́ дник от Бо́ га яви́ лся еси́ земли́
Полта́ встей, преди́ вне Васи́ лие, богому́ дрым
еписко́ пом Феофа́ ном при́ званный во гра́ д
наш в годи́ ну лихоло́ тия, да укрепи́ ши
па́ ству Христо́ ву в ве́ ре и́ стинней супро́ тив
ле́ сти богобо́ рческой, науча́ я воспева́ ти
Триеди́ ному Бо́ гу: **Аллилу́ иа.**

Икос 6

Возсия́ л еси́ в Богоспаса́ емом гра́ де Полта́ ве
я́ ко звезда́ , ко Христо́ у путеводя́ щая, о́ тче
Васи́ лие, егда́ во свяще́ ннические оде́ жды
облече́ тя боголюби́ вый свети́ тель Феофа́ н, во
хра́ ме Живонача́ льныя Тро́ ицы поставля́ я тя
пасти́ па́ ству сло́ весную, сего́ ра́ ди
взыва́ ем тебе́́ уми́ льно:

Ра́ дуйся, И́ стиннаго Бо́ га ве́ рный
служи́ телю;

ра́ дуйся, Та́ ин Христо́ вых благогове́ йный
соверши́ телю.

Ра́ дуйся, па́ ству твою́́ Хле́ бом Жи́ зни
напита́ вый;

ра́ дуйся, Ча́ шею Безсме́ ртия ве́ рная
напои́ вьй.

Ра́ дуйся, несокруши́ мый щи́ те, охраня́ яй
благоче́ стие;

ра́ дуйся, обоюдоу́ стрый мечю́ , посеца́ яй
злоче́ стие.

Ра́ дуйся, свети́ льниче, на све́ щнице
церко́ внем горя́ й;

ра́ дуйся, огне́ , ду́ ши теплото́ ю духо́ вною
согрева́ яй.

**Ра́ дуйся, Полта́ вская небоявле́ нная
звздо́ , свети́ телю Христо́ в и му́ чениче
Васи́ лие!**

Кондак 7

Хотя́ й Человеколю́ бец Госпо́ дь укрепи́ ти
лю́ ди Своя́ , яви́ тя, свяще́ нне Васи́ лие,
па́ стыря до́ бра, ни еди́ ное словесное овча́
не оставля́ юща, в дерзнове́ нных глаго́ лах
твои́ х насажда́ юща пра́ вую ве́ ру и И́ стину,
сего́ бо ра́ ди муже́ й и жен, всяк во́ зраст и
сосло́ вие собра́ л еси́ , навча́ я еди́ ними усты́
и еди́ нем се́ рдцем пе́ ти с тобо́ ю
Бо́ гу: **Аллилу́ на.**

Икос 7

Но́вое яви́ся гоне́ние на Це́рковь Бо́жию,
егда́ мно́зи свяще́нницы, мона́си и лю́дие
Боголюби́вии прия́ша сме́рть му́ченическую
от богобо́рцев, за́вистию диа́вольскою
гони́мии, ты же претерпе́л еси́ поноше́ние,
христоно́сне о́тче, егда́ и судо́м
непра́ведным осужде́н быв, терпе́ние яви́л
еси́ преди́вное. Мы же, ви́дяще смире́ние
твое́, похваля́ем тя си́це:

Ра́дуйся,несе́нием креста́ твоего́ Христо́ви
подража́й; ра́дуйся, себе́ я́ко же́ртву
свяще́нную Бо́гови уготовля́й.

Ра́дуйся, терпе́ние великоду́шное пред
клеветники́ яви́вай;

ра́дуйся, на суди́щи непра́веднем тех му́дре
обличи́вай.

Ра́дуйся, во́ине Христо́в непобеди́мый;
ра́дуйся, в злостада́ниях тверде́йший
адама́нта пребы́вай.

Ра́дуйся, я́ко тобо́ю безу́мнии гони́телие
посрамля́ются;

ра́дуйся, я́ко тобо́ю си́ла Бо́жия явля́ется.

**Ра́дуйся, Полта́вская небоявле́нная
звздо́, свети́телю Христо́в и му́чениче
Васи́лие!**

Кондак 8

Стра́нно бысть лю́дем малове́рным, зря́щим
преди́вную любо́вь твою́ ко Го́споду,
блаже́нне Васи́лие, егда́ на суди́щи
льсти́вем не отре́кся еси́ сло́веса́ свои́х, я́ко
невозмо́жно е́сть оскверни́ти рука́ми
нечи́стыми сосу́дов свяще́нных, в ни́хже
возноси́л еси́ Свята́я Святы́х Бо́гови,
воспева́я: **Аллилу́иа.**

Икос 8

Всего́ себе́ Го́сподеву преда́в, о́тче
богому́дре, лжу́ и клевету́ прия́л еси́, я́ко
Бо́гом даро́ванное бога́тство, блаже́нство
Ца́рства Небе́снаго созерца́я. Угото́вал еси́
себе́ в же́ртву благово́нную
подвигополо́жнику Христу́, до́брому по́двигу
любе́науча́я люде́й полта́вских и всех,
воспева́ющих ти тако́ва́я:

Ра́дуйся, победоно́сною све́тлостию
облече́нный;

ра́дуйся, ли́ку испове́дников сопричте́нный.

Ра́дуйся, учениче́ усе́рдный сме́рти
Победи́теля;

ра́дуйся, после́дователю ве́рный распя́таго
Учи́теля.

Ра́ дуйся, блужда́ющих в духо́вном мра́це
окорми́ телю;

ра́ дуйся, честне́йший Правосла́вия
храни́ телю.

Ра́ дуйся, я́ко пра́ведно даде́ся ти жре́бий
па́стырского о душа́х попече́ния;

ра́ дуйся, я́ко и ны́не возно́сиши о нас
сугу́быя моле́ния.

**Ра́ дуйся, Полта́вская небоявле́нная
звздо́, свети́ телю Христо́в и му́чениче
Васи́лие!**

Кондак 9

Вся́кия утоля́я печа́ли, а́ще и в заточе́нии
пребы́л еси́, оба́че яви́лся еси́ безме́здный
помо́щник лю́дем, взыску́ющим Бо́га,
смиренному́ дре Васи́лие. Егда́ же в темни́цу
вверго́ша тя богоотсту́пники, не престава́л
еси́ поуча́ти па́ству, Бо́гом тебе́ да́нную,
вку́пе с тобо́ю воспева́ти
Го́сподеви: **Аллилу́иа.**

Икос 9

Вити́и безбо́жнии тща́шеся препобеди́ти тя,
пресла́вне о́тче; ты же, заточе́н быв во гра́де
Ха́рькове, претерпе́л еси́ вся, на Бо́га

упова́ние возлага́я, не то́лько па́стве
полта́встей, но и о́крестя́ пребы́вающим
утеше́ние сло́весное да́руй, и о́трока
осироте́вшаго я́ко сродника́ прия́л еси́.
Те́мже и о́нас, мо́лим, не оста́вь попече́ния
своего́, вопию́щих к тебе́ тако́ва я:

Ра́дуйся, любо́вию Боже́ственною горя́й;
ра́дуйся, за дру́ги ду́шу свою́ не ща́дяй.

Ра́дуйся, си́рых ча́д щедре́йший пита́телю;
ра́дуйся, гони́мых и оби́димых предста́телю.

Ра́дуйся, скорбя́щих сострада́телю; ра́дуйся,
ми́лости духо́вныя пода́телю.

Ра́дуйся, неусыпа́емый в беда́х помо́щниче;
ра́дуйся, благи́й о́нас печа́льниче.

**Ра́дуйся, Полта́вская небо́явле́нная
звздо́, свети́телю Христо́в и му́чениче
Васи́лие!**

Кондак 10

Спасти́ся всем хотя́й Спаси́тель ми́ра,
зря́ще по́дви́ги твоя́, преди́вне Васи́лие,
му́жество твое́ и ве́ру несумне́нную, угото́ва
тебе́ омофо́р свети́тельский прия́ти от рук
блаже́ннаго архипа́стыря Григо́рия, да
прии́мши с тем и ра́вну апо́столом
благода́ть во укрепле́ние всех, взыва́ющих
Бо́гу: **Аллилу́иа.**

Икос 10

Стено́ ю непобори́ мою, врага́ ми ве́ ры
Правосла́ вная неодоле́ нною, пребы́ л еси́ во
дни смут и нестрое́ ний церко́ вных, святы́ телю
прему́ дре, егда́ и злочести́ ваго лжепа́ стыря
Фео́ филиа, кано́ ны церко́ вная попира́ ющаго,
обличи́ л еси́ , науча́ я нас пе́ ти тебе́ си́ це:

Ра́ дуйся, Правосла́ вия непоколеби́ мый
ревни́ телю;

ра́ дуйся, шата́ ния церко́ внаго
искорени́ телю.

Ра́ дуйся, мечу́ , раско́ л и е́ ресь посеца́ яй;
ра́ дуйся, небе́ сный гро́ ме, го́ рдых
устраша́ яй.

Ра́ дуйся, я́ ко волко́ в хи́ щных от па́ ствы
твоя́ отгна́ л еси́ ;

ра́ дуйся, я́ ко кова́ рство их му́ дра распозна́ л
еси́ .

Ра́ дуйся, Архиере́ ю Бо́ жий,
Пастыренача́ льником Христо́ м
просла́ вленный;

ра́ дуйся, Иера́ рше Христо́ в, дара́ ми Ду́ ха
Свята́ го преиспо́ лненный.

**Ра́ дуйся, Полта́ вская небоявле́ нная
звздо́ , святи́ телю Христо́ в и му́ чениче
Васи́ лие!**

Кондак 11

Пе́ ние благоприя́ тное возноси́ л еси́
непреста́ нно Бо́ гови, архипа́ стырю ди́ вный
Васи́ лие, поуча́ я мно́ жество притека́ ющих к
му́ дрости сло́ ве с твои́ х о еди́ нстве
церко́ внем, да бе́ гают хито́ н Христо́ в
раздира́ ющих раско́ лов и ересе́ й, в и́ стинней
же Це́ ркви Правосла́ вней
воспева́ ют: **Аллилу́ иа.**

Икос 11

Све́ тлость по́ двигов твои́ х, святи́ телю о́ тче
наш Васи́ лие, не терпя́ ще взира́ ти
богопроти́ вницы, от диа́ вола науча́ емии,
лука́ вством тя разлучи́ ша от па́ ствы твоея́ , в
край полу́ нощный на острова́ Солове́ цкия
погна́ ша тя, иде́ же глад и ско́ рби мно́ гия
претерпева́ я, не престава́ л в богомы́ слии
пребыва́ ти. Сего́ ра́ ди слы́ шиши от всех
такова́ я:

Ра́ дуйся, оте́ чества земна́ го святи́ й
изгна́ ниче;

ра́ дуйся, оте́ чества небе́ снаго блаже́ нный
насле́ дниче.

Ра́ дуйся, духо́ внаго соверше́ нства вы́ сото́ ;
ра́ дуйся, смире́ ния хри́ стиа́ нскаго глублино́ .

Ра́ дуйся, досто́ йный А́ нгелов собесе́ дниче;
Ра́ дуйся, Апо́ столом Христо́ вым
сопресто́ льниче.

Ра́ дуйся, но́ вых му́ чеников удобре́ ние;
ра́ дуйся, ли́ ка испове́ дников похвале́ ние.

**Ра́ дуйся, Полта́ вская небоявле́ нная
звздо́ , свети́ телю Христо́ в и му́ чениче
Васи́ лие!**

Кондак 12

Благода́ тию Бо́ жиею укрепля́ ем,
страстоте́ рпче Васи́ лие, и мно́ гия гоне́ ния
претерпе́ в, и заточе́ ния, и изгна́ ния, прите́ кл
еси́ во град Москву́ к после́ днему
испыта́ нию, ско́ рую му́ ченическую кончи́ ну
свою́ прозрева́ я, непреста́ нно же Бо́ гови
воспева́ юще: **Аллилу́ иа.**

Икос 12

Пою́ ще по́ двиги и страда́ ния твоя́ ,
священному́ чениче ди́ вне, я́ же претерпе́ л
еси́ в жи́ зни вре́ менней, ублажа́ ем и

кончи́ ну твою́ , ю́ же а́ нгелов во́ инства
зря́ ще удиви́ ля ху́ ся, ка́ ко восхо́ диши от
земны́ х в го́ рняя, и друг ко дру́ гу глаго́ лаху:
ка́ ко сей, челове́ к сый, пачечелове́ ческия
муче́ ния те́ рпит? Ка́ ко и си́ лы изыску́ ет?
Ны́ не же Боже́ ственны́я Сла́ вы
наслажда́ яйся и с собо́ ром всех святы́ х земли́
Полта́ вския лику́ я, не забу́ ди нас, ча́д твои́ х,
похвала́ ми си́ ми тя велича́ ющих:

Ра́ дуйся, и при кончи́ не жития́ твоего́
Го́ спода славосло́ вай;

ра́ дуйся, чрез Голго́ фу блаже́ нную ве́ чность
обреты́ й.

Ра́ дуйся, всече́ стно почита́ емый на земли́ ;
ра́ дуйся, венце́ м нетле́ нным укра́ шенный на
Небеси́ .

Ра́ дуйся, Иера́ рше сла́ вный, со святы́ ми
почива́ яй;

ра́ дуйся, покро́ вом моли́ тв твои́ х зе́ млю
Полта́ вскую при́ сно соблюда́ яй.

Ра́ дуйся, гра́ да на́ шего пресла́ вное
украше́ ние;

ра́ дуйся, всех ве́ рных в нем превели́ кое
утеше́ ние.

**Ра́ дуйся, Полта́ вская небоявле́ нная
звездó , свети́ телю Христо́ в и му́ чениче
Васи́ лие!**

Кондак 13

О, пресла́ вие страс́ тоте́ рпче и свети́ телю
Христо́ в Васи́ лие, ве́ ры правосла́ вныя
тве́ рдый побо́ рниче и о почита́ ющих тя
при́ сный моли́ твенниче! Вонми́ гла́ су
моле́ ний на́ ших и твои́ м ко Го́ споду
хода́ тайством испроси́ земли́ Полта́ встей
ми́ ра благодé нственнаго, Це́ ркви Бо́ жией
еди́ нства и благостоя́ ния, душа́ м же на́ шим
спасе́ ния, да воспое́ м с тобо́ ю Триеди́ ному
Бо́ гу: **Аллилу́ иа. Этот Кондак читается
трижды, затем Икос 1 и Кондак 1**